



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Caput XII. Idem Archiepiscopo (a) Sipontino.

---

[urn:nbn:de:hbz:466:1-74526](#)

## C A P U T XI.

Idem (a) Archiepiscopis, Episcopis, universis aliis Ecclesiarum Prælatis,  
Clericis per Franciam Constitutis.

CUM creatura non habeat quid pro meritis respondeat Creatori, sanè accepimus, sed minimè acceptamus, quod in partibus vestris multiplicatis anniversariis defunctorum, ex quibus ea celebrantibus commodum obvenient tempore, quidam in Cathedralibus, & conventionalibus Ecclesiis, prætextu Missæ semel in die pro anniversario celebrandæ, sacra Missarum solennia, quæ ratione diei, vel festi solent solennius celebrari, culpabili negligentiâ prætermitunt, quasi non sint obligati Domino, & quasi Dominus forte pro tantiis obsequiis non sufficeret eis æqua vicissitudine respondere. Certè verendum est, ne qui tanta cum nequitia & negligential laborare noscuntur, in obstinata malitia prolabentes, et si non voce, quod est gravius, facto dicant: Quis est Dominus, ut serviamus ei? Cùm ergo Ecclesia Gallicana per Dei gratiam tanquam lucerna super candelabrum positalucentalis per exemplum, qui videntes opera ejus bona glorificant Patrem cœlestem, ne, quod absit, tantæ negligentiæ tenebris obumbretur, & alias consequenter obumbret, universitatem vestram rogandam duximus, & monemus per Apost. scripta v. m. quatenus universi, & singuli providè attendentes, quod servire Deo regnare est, nullum in vos torporem negligentiæ obrepere permittatis, quominus & pro anniversariis defunctorum, & pro (b) festo, vel feria, secundum temporum congruentiam Missatum (c) solemnia & conventionaliter celebratis, & faciatis conventionaliter celebrari, ut sic quodammodo sine intermissione orantes, ab eo mereamini exaudiri, qui adest omnibus in veritate invocantibus nomen suum.

## N O T A E.

I. (a) *Archiepiscopis.*] Ita restituo inscriptio-  
nem, & litteram hujus textus ex quinta  
compil. Honorii III. edita à Cironio sub hoc  
tit. cap. 2. ubi reperitur hic textus, & ejus integ-  
ram transcripsit ipse Cironius in append. ad ipsam compilationem.

(b) *Pro festo.*] Separatim lege, ut supra in re-  
latione; alias idem est dies profestus, ac feria,  
juxta notata supra in cap. 4.

(c) *Missarum solemnia.*] Quia Missa con-  
ventionalis non potest omitti, et si dicatur alia, ut  
pluribus facta Congreg. decisionibus probant  
Barbosa in *Summa Apostolic. collect.* 477, Zypeus  
ad hunc tit. consult. 1.

2.

3.

## C A P U T XII.

Idem *Archiepiscopo* (a) *Sipontino.*

TE referente didicimus, quod in die cœnæ Domini de antiqua teneris consuetudine chrisma (b) confidere in Ecclesia Sipontina: sed cùm mane diei ejusdem ad Garganicam (c) accedas Ecclesiam, ut ibi, prout moris est, recipias peregrinos, (d) ipsius loci Clerus, & populus celebrare Missam in eadem Ecclesia Garganica priùs, quam ad Sipontinam redreas, te compellunt. Super quo nostrum, & Apostolicæ Sedis consilium implorasti. Cùm autem chrisma eo die intra Missarum conficiatur solennia, & cuilibet sacerdoti, quacunque dignitate præfulgear, unam in die celebrare Missam sufficiat, nam & felix valde est qui celebrat dignè unam: f. t. m. quatenus die prædicto in Ecclesia Sipontina dumtaxat, in qua teneris chrisma (e) confidere, Missarum studeas solennia celebrare.

## N O T A E.

I. (a) *Sipontino.*] Ita etiam legitur in quinta compilatione, sub hoc tit. cap. 4. Sipontium est civitas Archiepiscopalis regni Neapolitani, de qua Plinius lib. 3. cap. 11. A Sarracenis deleta fuit, & Cathedra translata fuit in Manfredoniam, ut notavit Cironius in præsenti.

(b) *Chrisma confidere.*] Chrisma enim, quod est materia remota sacramenti Confirmationis, debet confidari ab Episcopo feriâ quintâ hebdomadæ sanctæ, ut constat ex epistola 2. Fabiani ad omnes Orientales Episcopos, qui cum veterem Chrismatis eo die confecrandi consuetudinem ab aliquibus Episcopis negligenter omitti, multorum litteris accepisset, ut graviter parerat, molestè

2.

molestè

In Librum III. Decretalium,

892

molesteque ferens, eos non modò Romanæ Ecclesie, sed etiam Orientalis ritus violare demonstrat, quorum temerarium audaciam, atque presumptionem, ut cohibeat, ex Christi Domini instituto, Apostolorumque traditione ad nos derivasse testatur his verbis: *In illa enim die Dominus Iesus postquam conavæ cum discipulis suis, & lavit eorum pedes (sic ut sanctis Apostolis predecessoribus nostri accepissent, nobisque reliquerunt) Chrysmæ confidere docuit. Ipsa enim lavatio pedum significat baptismum, quando sancti Chrysmatis unitio perficitur, atque confirmatur.* Quo loco intelligimus hanc consuetudinem à Christo humanae libertatis vindice, & assertore præceptam, atque ab ipsis Christianæ Militie Ducibus traditam esse, ut mirandum non sit, si plerique rerum divinarum scriptores eadem suis scriptis testataam reliquerint. Auctor enim Ordinis Romani, quem hujus secundum testem adhibemus, in die Iov. sanct. tit. de benedict. in commixtione olei, & balsami ipsam consecrationem in hunc fere modum prosequitur: *Oremus Dominum nostrum omnipotentem, ut hos ex diversis creaturarum speciebus liquores creatos sancta Trinitatis perfectione benedicat, & benedicendo sanctificet, &c.* Idem expressè cavitur in Concilio Toletan. can. 6. Vafensi. sub Leone, can. 3. Altisiod. can. 6. Vvormac. can. 60. Aquisgran. 2. can. 8. Melden. can. 46. & in cap. quoniam, de sentent. excom. in 6. statuitur, chrysmæ posse confici in die cœna, non obstante interdicto: nullus autem alias, nisi Episcopus, potest illud consecrare. Sylvester Pontifex in Synod. Rom. can. 5. ibi: *Nemo presbyterorum chrysmæ conficiat.* Leo epist. 86. Concil. Tolet. 1. can. 20. probavi latè in cap. quanto, de consuet. Nec Episcopus alio die illud benedicere valet, quam in quinta feria cœna Domini. Nec contrarium probatur in d. can. 20. Concilii Tolet. 1. relato à Gratiiano in cap. omni, de consecr. disf. 4. ibi: *Episcopus omni tempore potest Chrysmæ conficiat.* Nam ea verba accipienda sunt, non de omni tempore utcumque, sed accommodatè de omni tempore annali, quod ad conficiendum chrysmæ præscriptum est, ut exponunt Suarez 3. p. de sacrament. disput. 28. feit. 1. Severinus Binius in not. ad epist. Fabiani, Herrera de orig. divini offic. lib. 2. cap. 33. Anton. August. lib. 25. epist. tit. 7. cap. 3. & inter alias cærenomias in consecratione chrysmatis adhibitas, quas refert Viccomes de ritibus Confirm. lib. 1. cap. 20. 21. & 22. Missæ sacrificium offerri ultimum fuisse, constat ex Ruperto Abate lib. 5. de divinis offic. cap. 18. ibi: *Hujus vero Chrysmatis olei consecratio habet officium per se. Primo exorcizatur, deinde ad Dominum vobiscum, & Sursum corda ejus benedictio inchoatur, finiturque per Dominum nostrum.* Ubi etiam quæ in Missæ parte chrysmatis consecratio inchoaretur, & quæ defineret, appetat Illustrat Viccomes d. lib. 1. cap. 22. Unde licet Episcopus Sipontinus, de quo in praesenti, consecrare deberet Chrysmæ in Ecclesia Garganica, quæ erat Cathedralis antiqua Sipontina unita; tamen consuetudine inductum erat, ut potius in Sipontina illud benedicret.

3. (c) *Garganicam.*] Mons Garganus olim Ecclesiam Archiepiscopalem habebat dicatam S. Michaeli Archangelo, ut notavit Cironius hic.

4. (d) *Recipias peregrinos.*] Hæc verba ex M.S. codice restituit Cironius, & eam lectionem sequi-

tur, licet alibi legatur, *pénitentes:* motus ex eo, quod pénitentes tantum in Ecclesia Cathedrali recipiebantur, & reconciliabantur: & peregrinos frequentasse hoc templum S. Michaelis refert Baronius in *Martyrol.* die 10. Maii. Sed potius retineo vocem, *pénitentes;* nam in peregrinationibus ad Ecclesiæ Garganicæ, aut alia similia loca factis, non legimus hanc peculiarem cærenomiam recipiendi peregrinos in die cœna Domini, aut hujus receptionis usum, vel finem: pénitentes vero ea die recipi ab Episcopo ad reconciliationem, notum est, & noster Honorius refert in cap. non videtur, de dicto ordin. ibi: *Non videtur Metropolitano licere, ut suffraganei suis iura ministras, nec immutet, nisi super eo antiqua, & approbatæ consuetudine, vel speciali privilegio ministrari.* Unde reputari potest indignum, ut in die cœna Domini, quo debent in Ecclesiæ suis Episcopi chrysmæ confidere, lavare, juxta exemplum Domini, pedes panpernus, & reconciliare publicè pénitentes, ad Metropolitanum Ecclesiæ que per quadragesita milliaria, & amplius à te defat, Chrysmæ ibidem cum Metropolitano tuo confecturus accedas: quamquam idem Metropolitanus, tam in tua, quam in aliis Metropolitico rebus subjectis Ecclesiæ, non ex speciali privilegio, vel antiqua, & approbatæ consuetudine, sed ex usurpatione potius hoc obtinuisse hadem videtur. Hoc itaque olim in tua consecratione prudenter attendens, quod huic gravamini occurreres, fuisse publicè protestatus. Volentes igitur ven. in Christo fr. tuo super gravamine providere, autoritate ubi presentium indulgemus, ut ad hoc, nisi speciali privilegium exigat, vel antiqua, & approbatæ consuetudo requirat, per usurpationem huiusmodi nulla tenus renearis. Ubi conjunxit chrysmatis consecrationem cum ipsa reconciliatione pénitentium. Idem mos reconciliandi pénitentes in quinta feria cœna Domini, probatur ex Innocentio I. epist. ad Decentium Episcopum Engubinum, cap. 7. ibi: *De pénitentibus autem, qui sine ex gravibus commissis, sive ex levioribus penitentiam gerunt, si nulla intervenit egritudine, quinta feria ante Pascha eis remittendum Romane Ecclesiæ consuetudo demonstrat.* Referunt Burchardus lib. 18. Decret. cap. 18. Ivo Carnot. part. 15. cap. 40. ex B. Eligio Noviodunensi Episcopo homil. 4. in cœna Domini, ibi: *Ut igitur arduit vestra dilectio, hec omnis perdam locio nostrorum peccatorum est purgatio; unde non incongrue hac ipsa die, sicut Ecclesia tentat consuetudo pénitentium sit reconciliationis; item antenesci diutum est à Patribus, cum tanta est plaga peccati, atque impetus morbi, ut medicamenta corporis, & sanguinis Domini differenda sint, autoritate Antistitis debet se quisque ab altario removere ad agendam pénitentiam, & eadem autoritate reconciliari.* Eandem rationem expresserunt PP. Synodi Cabillon. 2. can. 47. verbis illis: *In cœna Domini à quibusdam perceptio Eucharistia negligitur, qua quoniam in eadem die ab omnibus fideliibus, exceptis his, quibus pro gravibus criminibus inhibuitur, percipienda sit, ecclesiasticus usus demonstrat; cum etiam pénitentes eadem die ad percipienda corporis & sanguinis Domini sacramenta se conciliant.* Quæ postrema verba passivo significatu accepit debere jam notavit Filefacus de Quadragesima can. 15. & suadetur ex Ivone Carnot. p. 2. cap. 30. ubi ex decretis Soteris Papa referuntur hic textus, & habetur, *reconciliatur.* Idem expresse probatur ex forma ipsius reconciliationis de-

scripta

scripta lib. 7. capitulo. cap. 143. his verbis : *Omnis publice penitentes quintam feria ante Pascha, quae est Canna Domini, ad civitatem in cinere, & circulo in presentia Episcopi poserato vultu convenienter, & ibi ab Episcopo canonice & ordinabiliiter, sicut in Sacramentario, & in Romano Ordine continetur, reconcilientur, atque dijudicentur, consolenturque, & pradicentur, quid dinceps agere, quidve vitare debeant, instruantur : atque insuper divinis precibus per manus impositionem ab Episcopo sanentur.* Concil. Agathense can. 9. ubi dum PP. ritus imponendis penitentiam in ipso Quadragesimae introitu referunt, tandem addunt: *In sacra autem Domini cena rursus ab eorum Decanis, & Presbyteris, Ecclesia liminibus representetur. Et Guillermus Parisiensis Episcopus in statutis synodalibus, num. 9. ait: Presbyteri parochianos suos solenniter penitentes faciant venire in capite jejunii ad Ecclesiam Cathedralem, ut per Episcopum solenniter ab Ecclesia ejiciantur, & similiter in die Jovis proxima ante Pascha, ut per Episcopum Ecclesia reconcilientur.* Illustrans Philetaeus ubi supra, Herrera d. lib. 2. cap. 31. Cum ergo in praesenti textu agat Honorius de his rebus, quae in die Cœna Domini peragi, & obiri ab Episcopo solent, rectius legitur in praesenti; Recipias penitentes, quam peregrinos; cum circa peregrinos nullam specialem ceremoniam ea die in Ecclesia usitatam legamus.

3. (c) *Chrismam confidere.*] Quia ut supra dixi, ad consecrationem chrismae Missæ sacrificium desideratur; quod in reconciliatione penitentium non ita requiritur. Unde Episcopus potius in Sipontina Ecclesia, ubi chrisma consecrabat; quam in Garganica, ubi penitentes recipiebat, Missæ sacrificium offerre debebat, nec duas Missas dicere poterat, ex supra traditis in cap. consueta, hoc sit.

4. (f) *Celebrare.*] In feria quinta Cœna Domini possum presbyteri Missæ sacrificium offere; an vero tantum unica Missa in qualibet Ecclesia, in qua ceteri Sacerdotes communient, debeat celebrari, disputant Francolinus de horis canonicas cap. 30. Lugo de Eucharistia disputat 20. scđt. 1. num. 14. Suarez de Sacram. diff. 80. scđt. 2. Azor 1. p. instit. lib. 10. cap. 24. quest. 7. P. Henao tom. 2. de sacrif. Missæ, disput. 20. scđt. 3. Andreas Sauvay in Panopl. sacerd. p. 2. lib. 1. cap. 9. qui standum esse confutudini resolvunt. Vetus autem Ecclesia consuetudo fuit, ut in unaquaque Ecclesia Missa solennis a solo Sacerdote, qui praestet, celebraretur, reliquis sacerdotibus, si in ea plures essent, sola communione contentis. Elicitur priscus ille mos ex ordine Romano ante annos fermè 880. edito, ubi substit. de Cœna Do-

mini, hec habentur: *Fratellis autem oblati communicent Presbyteri primò, postea Diaconi, & ceteri omnes : & ita perficiatur Missa. Antea florebat Alcuinus, qui in libro, quem scripsit de divinis officiis, ex veteri Ecclesiæ politia, cap. de Cœna Domini, expr. scđe scribit: Dum cantatur antiphona Ad communionem, interim Clerum, & omnem populum communicare. Cui consonat liber Sacramentorum sancti Gregorii, ubi expleta chrismatis consecratio, peracti que mysteriis, hac rubrica subiungitur: Pontifex vadit ante altare, & communicat omnis populus in ordine suo. Et verò hac die, quæ Christus Eucharistie sacrificium instituit, solus ipse sacrificavit, ceteri omnes, qui in mensa assidebant (quamvis tunc fuerint ab eo Sacerdotes ordinati) ipso porridente divinum munus suscepserunt. Ob reverentiam igitur Christi solus hac die celebrantis, & suis manibus discipulos communicans, conveniens esse nemo plus, & prudens negaverit, ut ipsa die quilibet in Ecclesia unica liturgia celebretur ab uno, eoque primario Sacerdote, reliquis discipulorum instar assidentibus, & summa modestia, & humilitate de ejus manibus suscipientibus corporis, & sanguinis agni immaculati (qui Pascha nostrum immolatus est) sacramenta veneranda. Ceterum & huic favet consilio id quod Marcus Francolinus in lib. de horis canonicas, cap. 30. num. 4. narrat suo tempore accidisse, scilicet Cardinalem Sabellium, Pontificis Vicarium in Urbe, quibusdam Sacerdotibus sacrificare voluntibus in die Cœna Domini prohibuisse in ea die sacrificare. Porro Parisiis contrarium morem usurpari conspicimus, & passim in Gallia: dicunt etiam in Hispania. At an procedat de facto, vel de jure, ipsi viderint, qui faciunt: excusari tamen censeo ex tolerantia Episcopi, qui videt, nec prohibet. Vazquez fatetur congruentius esse, ut eo die reliqui omnes Sacerdotes, prater Præpositum, aut qui ejus legitimè impediti vices gerit, a celebratione abstineantur, & ad imitationem Apostolorum de manu illius, tanquam de manu Christi, Eucharistiam accipiunt. Addit & monatum optimum, ubi usus prævaleret, nimur ut Sacerdotes singuli sacram faciant feria 5. in Cœna Domini, ea die solum licere celebrare antequam Missa solennis finiat, & corpus Christi in locum designatum recondatur: nam postea mox incipi officium Parasceves, cum itatim Vesperæ dicantur: & in Parasceve in memoriam mortis, & sepulturæ Domini à celebratione sacrificii sit abstinentium. Ita Vazquez comment. in 3. p. D. Thomas, diff. 232. cap. 2. quest. 83. artic. 2.*

### C A P U T XIII.

Idem Archiepiscopo (a) *Vulseni.*

Perniciosus valde, sicut audivimus, in tuis partibus inolevit abusus, videlicet quod in majori quantitate (b) aqua ponitur in sacrificio, quam de vino: cum secundum rationabilem consuetudinem Ecclesia generalis, plus in ipso sit de vino, quam de aqua ponendum. Ideoque s.t.m. quatenus hoc nec de cetero facias, nec in tua provincia fieri patiaris.

D.D.Gonzal.in Decretal. Tom. III, Pars II.

Gggg

NOTÆ.